

Baselgia evangelica reformada dal Grischun

## **Publicaziun nr. 659**

### **Atun 2010**

Il Cussegl da la Baselgia evangelica preschenta als consistoris ed als colloquis las suandantas tractandas ed infurmaziuns per tractar quellas, respectivamain per orientaziun.

## **I. Tractandas**

I na dat naginas tractantas per il colloqui d'atun.

## **II. Rapports colloquials**

### **1. Occurrenzias colloquialas**

Il Cussegl da baselgia spetga il rapport davart las occurrenzias colloquialas dapi il colloqui d'atun 2009 sco conferenzas pastorals, retratgas, occurrenzias a favur da la scolaziun da perfecziunament, festas cirquitalas ed uschia vinavant. Quests rapports servan sco bursa d'ideas per auters colloquis. Perquai fan indicaziuns precisas davart referent(a)s e temas in bun servetsch. En la proxima publicaziun da primavaira vegnan questas indicaziuns publicadas.

### **2. Instrucziun da religiun 2010/11**

L'atun 2009 è sa furmada ina grupp da lavur ecumenica en vista a la realisaziun dal model 1 + 1. Quella maina ils interess da las baselgias chantunalas a regard la realisaziun dal model en la tractativas cun l'Uffizi per la scola populara ed il sport. Gist ussa van las tractativas davart la concepziun concreta dal plan d'instrucziun. Cun ils commembers da las grupp da lavur ecumenica èn las baselgias involvidas en la naschientscha sco er en la procedura da consultaziun dal nov plan d'instrucziun per l'ura "religiun ed etica" che stat en la responsabladad dal stadi. Il plan d'instrucziun duai il november vegnir acceptà da la regenza. La grupp da lavur suppona che a maun da quest plan d'instrucziun possian cumenzar las tractativas davart la

qualificaziun e la qualificaziun supplementara da las persunas ch'instrueschan questa lecziun.

L'evaluaziun dals questunaris davart l'instrucziun da religiun en il stgalim superiur e davart la furmaziun da las persunas ch'instrueschan (fatga ensemen cun l'enquista davart l'instrucziun da religiun en l'onn 2009/10) ha furnì al Cussegl da baselgia datas impurtantas per las tractativas cun il Departament d'educaziun davart la realisaziun dal model 1 + 1. Il Cussegl da baselgia engrazia en quest lieu als colloquis ed als incumbensads per lur respostas.

Tar problems areguard l'instrucziun da religiun en l'onn da scola 2010/11 pon las plaivs sa volver a la manadra dal post da l'instrucziun da religiun.

Fachstelle Religionsunterricht  
rev. Ursula Schubert-Süsstrunk  
Welschdörfli 2, 7000 Chur  
tel. 081 252 62 39

e-mail: ursula.schubert@gr-ref.ch

### **3. Rapport dals incumbensads colloquials per ecumena, missiun e svilup (cumissiun EMS)**

Ils colloquis dattan temp a las persunas incumbensadas per ecumena, missiun e svilup (EMS) da rapportar. Ils incumbensads colloquials èn - sco commembers da la cumissiun chantunala EMS - intermediaturs tranter las activitads colloquialas e quellas chantunalas. En questa funcziun pon els dar impuls impurtants per tuttas duas varts.

**Il rapport a bucca** duai infurmar davart chaussas actualas e dar vinavant infurmaziuns da la cumissiun als colloquis.

**Il rapport en scrit** infurmescha davart las activitads en il colloqui e quellas cun ils incumbensads da las plaivs. Quest rapport èsi d'aggiuntar al protocol per mauns dal Cussegl da baselgia.

#### **4. Visitaziuns d'archivs**

L'atun 2009 ha il Cussegl da baselgia sin basa da l'art. 6 dal reglament davart il drizzar en ed il manar ils archivs da las plaivs ordinà la visitaziun da tut ils archivs da las raspadas (part da la raspada e part da la pravenda). Ils rapports han da vegnir suttamess als colloquis d'atun 2010. Il Cussegl da baselgia spetga sin ils rapports colloquials davart ils resultats da las visitaziuns d'archivs en il protocol dals colloquis d'atun. Ina copia dals singuls rapports da visitaziun per mauns da la cumissiun d'archivs èsi da manar vinavant al Cussegl da baselgia mo da quellas raspadas che n'han betg en urden lur archiv.

Tar in midament en la pravenda èsi er suenter la visitaziun d'archivs generala da far ina visitaziun extraordinaria en la part da la pravenda da l'archiv. Quella vegn fatga d'in commember da la cumissiun d'archivs.

Ils visitadurs da la visitaziun d'archivs generala ch'èn vegnids elegids entras ils colloquis, vegnan er indemnissads da quels. Visitaziuns extraordinarias van dentant a cust da las raspadas.

## **5. Rapports dals (da las) preditgant(a)s laic(a)s**

Ils preditgants laics / las preditgantas laicas scrivan per mauns dal colloqui responsabel in rapport davart lur activitads durant l'onn 2009/2010, quai tenor art. 13 cif. 6 dal "Reglament davart la legitimaziun per servetschs pastorals en il Grischun" (910).

Il Cussegl da baselgia spetga quests rapports ensemen cun il protocol colloquial per invista. Sch'in(a) preditgant(a) laic(a) vul sa retrair dal servetsch, basti da notar quai en il protocol.

## **6. Lavur cun attempads**

Ils projects colloquials da lavur cun attempads stattan davant lur terz ed ultim onn da prova. En mintga colloqui capita insatge! Il Cussegl da baselgia engrazia a tuts ch'èn s'engaschads e che vegnan anc da s'engaschar cun lur pensaments ed ideas e cun lur temp ed abilitads per quai. L'evaluaziun dals trais onns vegn a mussar, nua che la baselgia chantunala sto agir sin il champ da la lavur cun attempads. Perquai spetga il Cussegl da baselgia sin la fin da l'onn 2011 las datas finalas da tut ils colloquis.

### **Projects da l'onn**

Decisiuns per l'onn 2011 èn da trair ussa a la radunanza d'atun. Eventualas novas dumondas per projects èn ussa d'inoltrar. Tar mintga project inoltrà tutga ina descripziun che numna las finamiras, la gruppa en mira, ils responsabels dal project ed il budget.

Dumondas finanzialas per novs projects pon pir vegnir fatgas, cur che projects precedents èn evaluads ed ils quints èn fatgs giu. L'evaluaziun duai describer, co ch'il project ès ì.

Sin dumonda paja il Cussegl da baselgia contribuziuns parzialas, las qualas èn da considerar en il rendaint final.

### **Projects da lunga durada**

Insaquants projects èn concepids per ina durada pli lunga. Er qua spetga il Cussegl da baselgia rapports e rendaints annuals sco er dumondas da pajaments.

## **7. Proposta per cudeschs**

Ils colloquis pon proponer cudeschs per la biblioteca pastorala evangelica e trametter lur giavischs cun il protocol colloquial a l'actuariat dal Cussegl da baselgia.

Il bibliotecar, rev. dr. Jan-Andrea Bernhard, Castrisch, retschaiva gugent propostas per la cumpra da cudeschs che correspundan als novs criteris.

e-mail: [pastoralbibliothek@gr-ref.ch](mailto:pastoralbibliothek@gr-ref.ch).

## 8. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselia. I sto esser evident, sch'ì sa tracta d'ina moziun, d'ina intimaziun u d'ina proposta. I sto er esser evident, sch'ì sa tracta d'ina moziun, intimaziun u proposta d'in colloqui entir tenor art. 21 da l'urden da gestiun dal Cussegl da baselia, u d'ina moziun, intimaziun u proposta d'ina persona singula tenor art. 23 dal medem urden. Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselia accepta **moziuns**, vegnan quellas suttamessas als colloquis ed a la sinoda per la consultaziun. Suentar vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselia refusa moziuns, motivescha el quai en il rapport uffizial.

Sch'il Cussegl da baselia accepta **intimaziuns e propostas**, ha el la pussibilità da vegnir sez activ en il senn da quellas. Sch'il Cussegl da baselia refusa intimaziuns e propostas, motivescha el quai en il rapport uffizial.

## **9. Tscherna dals delegads da las raspadas en il colloqui**

Tenor la constituziun da nossa baselgia art. 10 cif. 3 tscherna la radunanza da la plaiv ses delegads en il colloqui.

En art. 20 da la constituziun ha quai num: „Ils colloquis sa cumponan dals sinodals, dals commembers dal Cussegl grond evangelic sco er dals represchentants da las plaivs dal territori colloquial.

Mintga plaiv deleghescha almain in represchentant. Plaivs cun dapi che duamilli abitants (vul dir: commembers) han il dretg da delegar in ulteriur represchentant per mintga duamilli abitants u ina ulteriura part da quels.”

L'incumbensa dals delegads da las plaivs è en emprima lingia da purtar la vusch da lur plaivs e las decisiuns da lur consistoris en il colloqui. Plinavant represchentan els ils interess dal colloqui en il consistori. Ils delegads èn damai purtaders d'infurmaziuns tranter consistori e colloqui. Or da quest motiv duessan las plaivs tscherner commembers dal consistori sco delegads en il colloqui. Auters commembers da la plaiv sco delegads en il colloqui pon surpigliar quest'impurtanta incumbensa d'infurmaziun mo en moda insufficienta.

Ils consistoris èn responsabels per ina represchentanza correcta da las plaivs en il colloqui. Supplementarmain als delegads ordinaris po la suprastanza dal colloqui envidar giasts. Quests n'han dentant nagin dretg da vuschar en il colloqui. Spesas ed onuraris per ils giasts van a quint da la chascha colloquiala.

Ils represchentants da las plaivs vegnan elegids da la radunanza generala da la plaiv. Ils consistoris procuran per las tschernas cura ch'i dat plazzas vacantas.

## **10. Tscherna dals delegads colloquials per il Cussegl grond evangelic**

La perioda d'uffizi dal Cussegl grond evangelic sa drizza a quella dal Cussegl grond dal chantun (constituziun da la baselgia art. 26).

Ils 1. d'avust 2010 cumenza damai er per il Cussegl grond evangelic ina nova perioda d'uffizi da quatter onns. Il Cussegl da baselgia supplitgescha ils colloquis da confermar u da tscherner nov lur delegads per il Cussegl grond evangelic tenor la clav da repartiziun.

Ils colloquis han dabun ils sequents numers da sezs en il Cussegl grond evangelic:

I	Sur igl Uaul	7 delegads
II	Schons-Avers-Val Rain-Mesauc	3 delegads
III	Sut il Uaul	5 delegads
IV	Cuira	8 delegads
V	Signuradi-Tschintg vitgs	8 delegads
VI	Scanvetg-Churwalden	4 delegads
VII	Engiadin'Ota-Bregaglia-Poschiavo-Sursès	7 delegads
VIII	Engiadina Bassa-Val Müstair	5 delegads
IX	Partenz	8 delegads
X	Tavau-Alvra	5 delegads
	Total	60 delegads

Ils actuars dals colloquis fan ina glista separada e cumpletta da tut ils delegads colloquialas per il Cussegl grond evangelic. Quella cuntegna prenums, nums, l'adressa exacta, lieu da domicil e numer da telefon.

Perquai che la datoteca d'adressas dal Cussegl grond evangelic ha da vegnir renovada suenter las tschernas, sto il secretariat dal Cussegl da baselgia avair quellas glistas dalunga suenter las radunanzas colloquialas, sche mai inclusiv las adressa d'e-mail, il pli gugent sco document da WORD e sco mail a [giovanni.caduff@gr-ref.ch](mailto:giovanni.caduff@gr-ref.ch) . La chaussa fa prescha, perquai ch'ils tschernids han da vegnir envidads gia la mesadad d'october a la proxima sessiun dal Cussegl grond evangelic. Nus engraziain cordialmain als actuars resp. a las actuaras per lur agid.

Il Cussegl da baselgia renda attent ils colloquis, che las delegadas ed ils delegads sa laschan tscherner per il Cussegl grond evangelic per ina perioda d'uffizi da quatter onns. Il mandat na po betg vegnir restitui al colloqui senza motivs stringents durant ina perioda d'uffizi, mabain sch'il mandatari banduna il territori colloquial, u causa malsogna u mort.

En tals cas è quai pussibel da far ina tscherna complementara en il colloqui, perquai che dapi il nov urden da gestiun dal Cussegl grond evangelic na datti nagins remplazzants pli. Tar tschernas complementaras èn da communitgar ils nums e las adressas dals nov elegids ensemen cun il protocol al Cussegl da baselgia.

## 11. Elecziuns en il Cussegl grond evangelic

En sia sessiun dals 10 da november 2010 ha il Cussegl grond evangelic da far las sequentas elecziuns:

- supranza (presidentA, 1. e 2. vicepresidenteA., dus dumbravuschs)
- actuar(a) e remplazzant(a)
- cumissiun da controlla da gestiun (5 commembers)
- cumissiun da redacziun (trais commembers)
- cumissiun da recurs (5 commembers; da quels dus elegids da la sinoda)
- 10 delegads en la gronda conferenza da gruppas per la revisiun da la constituziun, v.d. per mintga colloqui ina persuna gia tschernida sco delegada en il Cussegl grond evangelic (guarda publicaziun nr. 658 da primavaira)

La perioda d'uffizi dal Cussegl grond evangelic sa drizza tenor art. 26 da la constituziun da la baselgia a quella dal Cussegl grond dal chantun. La perioda d'uffizi 2010/2014 cumenza ils 1. d'avust 2010. Perquai è en la sessiun d'atun 2010 d'eleger da nov tut ils organs e tut las cumissions permanentas dal Cussegl grond evangelic.

La tabella sequenta mussa tut las funcziuns. Tut las personas cun la remartga "fin qua" èn reelegiblas sut la cundiziun ch'ellas na demissioneschjan betg suenter che questa publicaziun va en stampa e ch'ellas na sortan betg pervia da limitaziun dal temp d'uffizi.

Cun il protocol pon ils colloquis inoltrar propostas per las elecziuns. Il biro dal Cussegl grond evangelic vegn a classar ed a cumplettrar las propostas per mauns da las sessiun dals 10 da november 2010. El prenda encunter er demissions. Quellas èn d'inoltrar cun il protocol colloquial u fin pli tard als 30 da settember directamain al secretariat dal Cussegl da baselgia, tel. 081 257 11 00.



## **Cumissiun da recurs 2010/2014**

(5 commembers, da quels vegnan 2 elegids da la sinoda)

commembers      dr. Andrea Brüesch, Churwalden, fin qua  
lic. iur. Thomas Hess, Fürstenaubruck, fin qua  
dr. Peter Andri Vital, Zuoaz, fin qua

## **Gronda conferenza da gruppas: revisiun constituziun**

10 delegads (in commember dal CGE per colloqui)

## **12. Remplazzaments per il servetsch pastoral**

Il Cussegl da baselgia dat a sinodals ed autras persunas legitimadas per il servetsch pastoral la pussibilità, da s'inscriver mintga mez onn en ina glista tar il secretariat dal Cussegl da baselgia. Termins per la communicaziun da capacitads libras per il proxim mez onn èn ils **1. da december** ed ils **1. da zercladur/gün**.

Tgi che ha per il mez onn dals 1. da schaner fin ils 30 da zercladur/gün 2011 anc capacitads libras per surpigliar remplazzaments, fetscha il bain da s'annunziar avant la fin da l'onn cun il formular blau tar il secretariat dal Cussegl da baselgia. Quest formular pon ins er chargiar da la homepage dal Cussegl da baselgia: [www.gr-ref.ch](http://www.gr-ref.ch) / Service / Stellvertretungen.

Sper questas cumpilaziuns semestrilas resta en vigur anc la glista dals remplazzants sco fin qua. Questa glista va er en avegnir ina giada l'onn a tut las pravendas. Quai vul dir, en

princip vegnan ils remplazzaments tschertgads e chattads sco fin qua. Er questa glista chattan ins sut: [www.gr-ref.ch](http://www.gr-ref.ch) / Service / Stellvertretungen.

Tgi che dovra in remplazzament a curta vista, po far diever da la glista supplementara en il secretariat dal Cussegl da baselgia. Persunas che fan gugent remplazzaments ed han anc capacitads libras, vegnan uschia evtl. dapli en funcziun.

### **13. [www.organisten.ch](http://www.organisten.ch) – tschertgar organists online**

#### **NOV**

Per raspadas che tschertgan in remplazzant per sunar l'orgla, e per organists che han anc capacitads libras, han ins stgaffi ina plattafurma che intermediatescha tuts dus: organist(a)s e pussaivladads da sunar l'orgla. Far diever da l'intermediaziun na custa nagut, perquai che la baselgia chantunala finanziescha l'installaziun ed il mantegniment.

Da l'organist *Martin Wildhaber*, che dat ulteriuras infurmaziuns ad interessents.

## **Tge è: organisten.ch ?**

[www.organisten.ch](http://www.organisten.ch) è ina plattafurma d'internet purtada da la Baselia evangelica refurmada dal Grischun. En maniera na cumplitgada pussibilitescha la pagina d'internet quai a raspadas da tschertgar e da dumandar organists per cura ch'ellas sezzas n'han nagin. Medemamain è quai pussaivel ad organists da tschertgar remplazzants per ina data precisa. En pli datti dasper l'intermediaziun d'organists er diversas ulteriuras funcziuns sco in chalendar d'arranschaments u ina publicaziun da plazzas libras.

## **Co funcziuna l'intermediaziun d'organists ?**

Raspadas che tschertgan in organist u organists che tschertgan in remplazzant pon registrar la data dal cult divin / dal funeral / da las nozzas sin [www.organisten.ch](http://www.organisten.ch) . Questas datas vegnan immediatamain tramessas per e-mail a tut ils organists annunziads che correspundan a las pretaisas giavischadas. En pli pon ins guardar las datas sin [www.organisten.ch](http://www.organisten.ch) enfin che quel che ha inoltrà las datas las stizza puspè. Sch'in organist s'interessa per l'offerta, po el telefonar directamain cun quel che tschertga insatgi.

## **Tge custa: organisten.ch ?**

[www.organisten.ch](http://www.organisten.ch) vegn finanzià da la Baselia evangelica refurmada dal Grischun ed è gratuita per raspadas sco er per organists.

## Co m'annunziel jau?

- Avri la pagina [www.organisten.ch](http://www.organisten.ch)
- Cliccai a sanestra sin la glista da links sin "Anmelden"
- Tscherni l'emprim sche Vus vulais s'annunziar sco organist u sco raspada (= Vus essas responsabels per il plan d'orgla d'ina raspada).
- Empleni tut ils champs obligatorics (marcads cun \* )
- Suenter avoir emplenì cumplettement tut las datas necessarias, cliccai sutvart a dretga sin "Anmeldung abschicken" .
- Vus survegnis immediatamain ina conferma da Vossa annunzia sin l'adressa d'e-mail che Vus avais inditgà. En questa conferma chattais Vus in pled-clav (p.ex. "eSbkX3").
- Avri danovamain la pagina [www.organisten.ch](http://www.organisten.ch) ed inditgai survart a sanestra tar "Login" l'adressa d'e-mail che Vus avais inditgà ed il pled-clav che Vus avais survegnì.
- Cliccai sin "Login". Ussa essas Vus en la part dals commembers e pudais far diever da tut las funcziuns.
- Sche quai dat dumondas cun "navigar" cliccai l'emprim sisum a dretga sin il segn da dumonda brin. Là chattais vus ulteriuras infurmaziuns. Sche quai dat alura tuttina anc dumondas cliccai sisum a dretga sin "Kontakt" e tramettai Vossa dumonda cun agid dal formular da contact.

## **III. Communicaziuns**

### **14. Resumaziun dals resultats dals colloquis da primavaira**

Per infurmar tut ils colloquials vegn preschentà qua ina resumaziun da las discussiuns e da las decisiuns concernent las tractandas da l'ultim colloqui.

#### **Fond d'urgenza da la Cassa da pensiun**

Ils resultats sa laschan resumar a maun dals protocols colloquials sco segua:

- Il colloqui VII Engiadin'Ota n'è betg entrà en chaussa.
- Ils colloquis III Sut igl Uaul, IV Caira e V Signuradi-Tschintg vitgs acceptan la dumonda dals reverendas pensiunads cun gronda maioritad.
- Ils colloquis I Sur igl Uaul, II Schons-Avers-Val Rain-Mesauc, VI Scanvetg-Churwalden, VIII Engiadina Bassa, IX Partenz e X Tavau-Alvra acceptan la dumonda dal Cussegl da baselgia cun gronda maioritad.

Ils 28 da zercladur/gün ha la sinoda acceptà la dumonda dal Cussegl da baselgia cun 59 gea cunter 9 na, cun 5 abstenziuns.

## 15. Rapport da l'incumbensada per ecumena, missiun e svilup (EMS) da la baselgia chantunala

En il proxim mez onn datti trais prioritads en la lavur da l'EMS.

1. La **collecta d'atun** da mission 21. Ella stat er quest onn sut il motto: "cretta muventa – cretta collia".

Per exempel Bolivia: Als purs da coca vegn cun la cultivaziun da l'erva dultscha Stevia pussibilità in gudogn "independent da la mafia". La finamira è in avegnir segir dals purs che cun la cultivaziun da Stevia pon far da pur en maniera persistenta che serva a tuts (mission 21, numer dal project 420.1016)

Surtut la festa da la raccolta è bain adattada per la collecta a favur da mission 21.

2. **Las collectas** da december èn reservadas per il HEKS. En il centrum da la campagna vegn a star la tematica "Access a terren" ch'è sa mussada sco centrala en fitg blers projects. Il pajais exemplaric vegn ad esser quest onn la Georgia.

La consultaziun davart ina eventuala midada dal num da HEKS ha mussà, che 80% vulan restar tar il num HEKS ch'els enconuschan bain.

HEKS vul planet finir la collavuraziun da svilup cun ils pajais da l'UE en il ost. Dentant duai quai dar vinavant l'agid tranter raspadas, savend che quai cumpiglia savens er aspects d'agid da svilup.

### 3. **L'acziun Paun per tuts** festivescha l'onn 2011 ses giubileum da 50 onns.

"Cumbatter ils motivs da la miseria e da l'ingiustia", cun questa visiun han il manader dal HEKS, rev. Heinrich Hellstein, ensemen cun l'inspectur da la missiun da Basilea, Herrmann Witschi, mess ad ir l'onn 1960 l'idea d'ina campagna naziunala cunter la fom cun il slogan "Paun per frars".

L'onn 1961 ha la radunanza dals delegads da la Federaziun da las baselgias evangelicas da la Svizra acceptà unanimamain l'entir pachet d'acziun "Paun per frars".

Questa bun'idea ha ussa sia piazza stabla en l'onn da baselgia. Cun campagnas ed infurmaziun publica è l'acziun s'engaschada per bliers meglieraments. L'onn 1981 ha ella midà ses num en "Paun per tuts".

### **Donaziuns e projects**

In donatur deleghescha cun sia donaziun in' incumbensa diaconica ad in'ovra d'agid. Sia fiduzia na dastga betg vegnir malduvrada entras l'infurmaziun faussa u insufficienta davart in project. Il donatur ha in dretg da savair, tge che vegn fatg precis cun ses daners.

Ina organisaziun è credibla sch'ella è pronta da laschar examinar sia gestiun da perits externs.

Sche la suprastanza da la raspada, represchentada entras ils incumbensads per EMS ed il reverenda, s'infurmescha comunablamain davart projects, pon ins evitar pannas.

En il reglament sur da la cumposiziun e la vita da la plaiv (210) art. 15 al. 3 ha quai num: "Sur dad autras collectas decida il consistori en collavuraziun cun il preditiont."

Uschia po vegnir evità il maldiever d'agid bain manegià.

Vulais Vus envidar giasts da projects ad in'occurrenza u avais Vus dumondas davart occurrenzas da l'EMS, As po cussegljar e sustegnair la manadra dal post.

Christine Luginbühl

Postgass 4

7023 Haldenstein

e-mail: [christine.luginbuehl@gr-ref.ch](mailto:christine.luginbuehl@gr-ref.ch) / tel. 081 353 35 22

## **16. Proceder tar la tscherna d'in(a) reverenda**

**Tscherna da reverenda** Sin la publicaziun da plazzas libras datti actualmain per il solit numerusas annunzias. Or da quel motiv èsi impurtant da verifitgar dalunga l'elegibladad en cas che na-sinodals s'annunzian. Cun quai è incumbensà l'actuar dal Cussegl da baselgia. Sin giavisch d'in consistori u d'ina cumissiun per la tscherna d'in(a) reverenda po quel er far vegnir referenzas da la baselgia d'origin. L'actuar dal Cussegl da baselgia declera als interessents senza l'elegibladad dal

concordat las cundiziuns ch'els han d'accumplir avant ch'els possian vegnir impiegads provisoricamain. E finalmain po l'actuar dal Cussegl da baselgia discutir cun tut ils participants il temp ch'ì dovra fin ina eventuala entrada en piazza. Damain ch'in mez onn fin in onn entir n'è betg realistic. Fin a la recepziun en sinoda vul quai per il solit almain dus onns.

Igl è d'avantatg, sch'ina plaiv (consistori / cumissiun da tscherna) che tschertga in(a) reverenda prendia si contact cun il Cussegl da baselgia. Persunas responsablas èn il decan, la scheffa dal departament 2 „Structuras e dumondas da dretg“ e l'actuar dal Cussegl da baselgia.

## **17. Giubileums**

Las suprastanzas dals colloquis ed ils consistoris pon communitgar en il protocol colloquial giubileums da servetsch d'impiegad(a)s ecclesiastic(a)s e da collavuratur(a)s voluntar(a)s. Sco giubileums da servetsch van 20, 25 u 30 onns da servetsch.

Questas communicaziuns pon vegnir agiuntas al protocol u er vegnir communitgadas separadamain ed en scrit a l'actuar dal Cussegl da baselgia: Giovanni Caduff, Loëstrasse 60, 7000 Cuir. Giubilaras e giubilaras survegnan sper la reconuschienscha da la plaiv u dal colloqui ina charta d'engraziament dal Cussegl da baselgia.

Igl è indispensabel, che las communicaziuns al Cussegl da baselgia davart giubileums cuntegnan ils nums entirs e l'adressa precisa. Plinavant sto vegnir notada la funcziun ed ils onns precis dal servetsch. Be il num en il protocol dal colloqui, per mail u per telefon na basta betg.

## 18. Spediziun dals protocols colloquials

La tschentada dal Cussegl da baselgia, nua ch'ìls protocols dals colloquis vegnan evaluads, ha lieu ils 21 d'october 2010.

Ils protocols dals colloquis d'atun ensemen cun tut ils allegats èsi da trametter enfin ils **30 da settember 2010** a l'actuar dal Cussegl da baselgia: Giovanni Caduff, Loëstrasse 60, 7000 Cuir, il meglier cun e-mail: [giovanni.caduff@gr-ref.ch](mailto:giovanni.caduff@gr-ref.ch)

### Preavis

Ils protocols dals colloquis da primavaira èsi d'inoltrar enfin ils **15 d'avrigl 2011**.

## 19. Colloquis d'atun 2010

Colloqui	I	Sur igl Uaul	15 da settember
	II	Schons-Avers-Val Rain-Mesauc	16 da settember
	III	Sut igl Uaul	15 da settember
	IV	Cuir	14 da settember
	V	Signuradi-Tschintg vitgs	8 da settember
	VI	Scanvetg-Churwalden	15 da settember
	VII	Engiadin'Ota- Bregaglia-Poschiavo-Surses	15 da settember
	VIII	Engiadina Bassa-Val Müstair	22 da settember
	IX	Partenz	8 da settember
	X	Tavau-Alvra	22 da settember

## **20. Sessiuns dal Cussegl grond evangelic 2010/2011**

- 2010 mesemna, 10 da november
- 2011 mesemna, 1. da zercladur/ gün
- 2011 mesemna, 9 da november

## **21. Termens dals colloquis da primavaira 2011**

Nus supplitgain ils actuars e las actuaras da notar en il protocol ils termens dals colloquis da primavaira 2011.

Cuira, en avust 2010

Cussegl da la Baselia evangelica

*Lini Sutter-Ambühl*  
presidenta

*Giovanni Caduff*  
actuar